

Na osnovu člana 43. Zakona o predškolskom odgoju i obrazovanju ("Službene novine Kantona Sarajevo" br. 4/98, 9/00 i 18/00 ), člana 78. i 80. Zakona o osnovnom odgoju i obrazovanju ("Službene novine Kantona Sarajevo" broj 10/04) i člana 121 i 123. Zakona o srednjem obrazovanju ("Službene novine Kantona Sarajevo" broj 10/04), ministar obrazovanja i nauke donosi

## **P R A V I L N I K**

### **o stručnom usavršavanju odgajatelja, profesora/nastavnika i stručnih saradnika u predškolskim ustanovama, osnovnim, srednjim školama i domovima učenika**

#### **I STRUČNO USAVRŠAVANJE**

##### **Član 1.**

Radi praćenja razvoja određene naučne discipline, pedagoške teorije i prakse, produblјivanja i stјecanja novih znanja i njihove praktične primjene u radu, odgajatelji, profesori/nastavnici i stručni saradnici su dužni da se stručno usavršavaju.

##### **Član 2.**

Oblici stručnog usavršavanja mogu biti individualni i kolektivni. Nosioци stručnog usavršavanja su predškolske ustanove, osnovne škole, srednje škole i domovi učenika, visokoškolske ustanove i resorno ministarstvo.

##### **Član 3.**

Individualno stručno usavršavanje obuhvata:

1. Stalno praćenje stručnih listova i časopisa i druge stručne literature
2. Obavljanje konsultacija i međusobnu razmjenu mišljenja i iskustava putem stručnih aktiva
3. Izvođenje oglednih i uglednih časova
4. Inovacije u nastavnom procesu
5. Naučno - istraživački rad
6. Objavlјivanje publikacija
7. Konsultacije s direktorom škole, pomoćnikom direktora i pedagogom.

##### **Član 4.**

Kolektivno stručno usavršavanje obuhvata:

1. Prisustvovanje oglednim i uglednim časovima
2. Učešće u radu stručnih organa ustanove
3. Učešće na savjetovanјima, seminarima, kursivima, naučnim ekskurzijama, studijskim putovanјima i slično

##### **Član 5.**

Najviši stručni organ ustanove utvrđuje plan i program i prati realizaciju stručnog usavršavanja odgajatelja, profesora/nastavnika i stručnih saradnika.

Prosvjetno-pedagoški zavod samostalno i u saradnji sa visokoškolskim ustanovama radi na individualnom i kolektivnom stručnom usavršavanјu putem organizovanja sastanaka stručnih aktiva, seminara, savjetovanja, oglednih i uglednih časova i drugih podesnih oblika rada za odgajatelje, sve profesore/nastavnike ili za profesore/nastavnike određenih predmeta, odnosno struka i stručne saradnike.

### **Član 6.**

Odgajatelj, profesor/nastavnik koji ima položen stručni ispit obavezan je da najmanje jednom u dvije godine održi ogledni, odnosno ugledni čas pred stručnim aktivom.

Stručni saradnik obavezan je da najmanje jednom u dvije godine realizuje temu iz domena svoje struke .

Pedagoška služba vodi evidenciju o aktivnostima iz stava 1 ovog člana i podnosi izvještaj najvišem stručnom organu ustanove.

### **Član 7.**

Odgajatelj, profesor/nastavnik i stručni saradnik je obavezan da redovno prisustvuje stručnom seminaru koje organizuje Prosvjetno-pedagoški zavod.

Odgajatelj, profesor/nastavnik i stručni saradnik je obavezan da prisustvuje odgovarajućem obliku stručnog usavršavanja koji organizuje Prosvjetno-pedagoški zavod ili druga odgovarajuća ustanova, na kojem će se upoznati sa najnovijim dostignućima i naučnim rezultatima u struci.

Prosvjetno-pedagoški zavod izdaje potvrdu o učešću i obliku stručnog usavršavanja.

U ustanovi se vodi evidencija o učešću i obliku stručnog usavršavanja.

### **Član 8.**

Najviši stručni organ ustanove utvrđuje program stručnog usavršavanja u koordinaciji sa nosiocem stručnog usavršavanja.

### **Član 9.**

Ustanova je dužna da pruži posebnu pomoć pripravniku koji nema položen stručni ispit i to:

1. Da mu odredi mentora odgovarajuće stručne spreme iz reda svojih uposlenika ili iz druge ustanove i omogući prisustvovanje časovima nastave kod mentora.
2. Da mu omogući stručne konsultacije s mentorom, rukovodiocem i pedagogom ustanove i stručnim saradnicima Prosvjetno-pedagoškog zavoda.
3. Da obezbijedi prisustvo mentora časovima pripravnika
4. Da obezbijedi uvjete za pripremu i polaganje stručnog ispita

Nakon završenog pripravničkog staža, mentor koji je pratio pripravnika podnosi izvještaj najvišem stručnom organu ustanove.

Ustanova je dužna obezbijediti materijalnu nadoknadu mentoru za rad sa pripravnikom.

## **II PRELAZNE I ZAVRŠNE ODREDBE**

### **Član 10.**

Položen stručni ispit u skladu s Pravilnikom o polaganju stručnog ispita odgajatelja, nastavnika i stručnih saradnika ( Službene novine Kantona Sarajevo br.12/2000 ) priznaje se za samostalno obavljanje odgojno-obrazovnog rada u ustanovama.

### **Član 11.**

Plan staziranja pripravnika i evidencija o realizaciji plana staziranja pripravnika u osnovnim školama vodi se na obrascu oš 7, a Plan staziranja pripravnika i evidencija o realizaciji plana staziranja pripravnika u srednjim školama vodi se na obrascu sš 23, koji su sastavni dio ovog pravilnika. Evidentni list o strucnom usavrsavanju, obrazac ELSU, je sastavni dio ovog Pravilnika.

**Clan 12.**

Ovaj pravilnik stupa na snagu danom donošenja a biti će objavljivljen u Službenim novinama Kantona Sarajevo.

Broj: 11-01-38-19481

Datum:10.08.2004. godine

**MINISTAR**

Doc.dr. Emir Turkušić

**(”Službene novine Kantona Sarajevo”, broj 19/04)**